



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Poemata Ferdinandi Episcopi Monasteriensis Et
Paderbornensis, S. R. I. Principis, Comitis Pyrmontani,
Liberi Baronis De Furstenberg**

Ferdinand <Paderborn, Bischof, II.>

Parisiis, 1684

Ad Natalem Rondinimum.

urn:nbn:de:hbz:466:1-7748

A D

NATALEM RONDININUM.

De Philautia fugienda.

Quia sua cœcus amat, ceu natos cercopithecus
Amore vesano foveat,
Et necat amplexu, formam admiratus & ora
Ridenda, visu & turpia;
Audiat exemplum sacri miserabile vatis,
Aurita qui Thracum potens
Saxa movere sono, blanda prece carminis ima
Ditis refregit atria,
Non exorato portas adamante rigentes
Ingressus, ut raptam sibi
Eurydicen superis Proserpina redderet auris,
Lyræ sonantis præmium,
Reddita jam fuerat conjux, cum pone sequentem
Jurata contra fœdera
Respicit infelix Orpheus, & quam nimis ardet,
Amando perdit conjugem.
Tristia Narcissi quis funera nescit, & ignes?
Quem fontis umbra lucidi,
Et sterilis decepit amor, dum prendere vultus
Imo repercussos vado
Sollicitus, visæ tabescit imagine formæ
Amator imprudens sui.
Ergo cave, quisquis simili vesanus amore,
Apollinari laurea

R ij

132 FERDINANDI EPISCOPI MONASTER.

Carmina digna putas, nugis quæ plena canoris,
Sed cassa rebus parturis
Iratis Musis. Tantum sitis improba laudum
Suadere amat dementia.

Non eadem nobis es, RONDININE, monendus,
Ocelle gentis Italæ,

Noster amor : qui jura licet divina piorum
Perfusa doctrina Patrum,

Et Latii veteres, & Graiae Palladis artes
Claudas capaci pectore;

Non ideo temet vanus miraris, ut ales
Superba Junonis solet

Pandere laudatae gemmata volumina caudæ
Ad discoloris Iridis

Invidiam. Quin ipse gravis tua carmina censor,
Linenda cedro carmina,

Exigis ad limam, non dignatus amici
Sensum atque mentem exquirere

Ingenui: nec theta nigrum quandoque recusas,
Aut pollicis versi notam.

Sic Venusinorum sermonum candidus audit
Judex Tibullus, & suos

Nasoni solitus recitare Propertius ignes
Arbitrio illius stetit.

Sic & Apelleas Lysippus saepe tabellas
Colore vivo perlitas,

Signaque Lysippi spirantia doctus Apelles
Cura recognovit pari.